



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1863**

XCIII. Bischof Wedego bestätigt den Kaland zu Pritzwalk unter erneuerter  
Ablaßverheißung, am 7. September 1461.

---

---

**Nutzungsbedingungen**

[urn:nbn:de:hbz:466:1-56044](#)

**XCIII.** Bischof Wedego bestätigt den Kaland zu Pritzwalk unter erneuter Abläfverheizung,  
am 7. September 1461.

Nos Wedego, dei gratia Havelbergensis Ecclesie Episcopus, Vniversis Christi fidelibus, ad quos presens scriptum pervenerit, Salutem in filio virginis benedicto. Pios affectus honorabilium et discretorum virorum Presbyterorum Fraternitatis Kalendarum oppidi Pritzwalk nostre dioecesis promovere, cultumque diuinum vt decet summa diligentia dilatare affectantes predictam kalendarum fraternitatem ac ejus conceptionem, institutionem et fundationem olim ex pia intentione et salubri deuotione factam, nec non omnes et singulas donationes, legationes, assignationes et venditiones eidem fraternitati quovismodo factas vna cum literis donationum, assignacionum et venditionum earundem etiam justas et rationabiles ejusdem fraternitatis consuetudines vel antiquas observations ad concordiam et laudabilem conversationem ac diuini cultus augmentum tendentes ratificauimus, approbabimus et confirmauimus, nec non presentibus in Dei nomine ratiificamus, approbamus et ex certa scientia confirmamus, concedentes ut si quid questionis seu controversie inter Decanum Kalendarum confratres ex negotiis seu factis dictam fraternitatem concernentibus ortum fuerit, coram Decano et fratribus in amicitia decidatur seu terminetur, at coram Nobis seu nostro officiali in Judicium non deducatur, etiam ut dictus decanus pro tempore existens potestatem habeat fructus, redditus et census a quibuscumque debitoribus dictis fratribus obligatos emonendi et extorquendi concedimus et indulgemus, adjicientes, ut honestas et bene morigeratas personas utriusque sexus recipient, requirentes et exhortantes nihilominus omnes fratres et sorores ejusdem fraternitatis per viscera misericordie Domini nostri Jesu Christi, ut si quampiam spiritum Deo ex hoc seculo reddere contigerit, ipsi Decano et fratribus ad peragendum cum vigiliis ac missarum solemniis depositionis sue diem pro suorum redemptione peccaminum, prout ipsius facultas exigit juxta gratiam sibi a Deo datam certam summam pecuniarum aut de rebus suis derelinquendis assignet seu leget in extremis portionem. Ceterum cum caritatis sit officium pii ac caritativis hominum operibus non solum modo assensum gratuitum exhibere, verum etiam aliqualem salutarem gratiam ad ferventiores excitandam devotionem benigniter indulgere, volumus ut in oppido seu villa, qua prelibati confratres convenire decreverint, dies congregationis eorundem celebris usque post missarum solemnia judicetur. Insuper omnibus vere penitentibus, qui predictarum Kalendarum fraternitati manus porrexerint adjutrices, eam verbo vel in facto promoverint vel defenderint, aut vigilias vel missas cum deuotione tempore memoriarum confratrum ejusdem celebauerint, audierint seu interfuerint, autoritate omnipotentis Dei et beatorum Petri et Pauli Apostolorum meritis confisi XL dies indulgentiarum misericorditer indulgemus, confirmantes non minus omnes libertates et indulgentias eis a predecessoribus donatas, supplicantes omnibus nostris successoribus, quatenus nostram ordinationem et concessionem ratam habeant atque beneficia premisis fratribus clementia indulta potius augeant quam infirment. Datum Wyftogk, Anno Dni. Millesimo quadringentesimo sexagesimo primo, in profesto Natiuitatis Marie, nostro sub secreto presentibus appenso.

Mitgetheilt vom Freih. v. Ledebur.